

**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...

Herbipoli, 1702

Decas III. (Ab anno Christi 1520. ad 1530.)

[urn:nbn:de:hbz:466:1-64733](#)

Ferdinandus Magellanus stipendiis multis sub Albuquercio factis, nec satis honoratus ab Emmanuele Lusitano, Carolo V. se dedidit, & acceptis ab illo navibus quinque in Occidentem direxit iter, detectoq; nobili freto, quod ab eo nomen traxit, ad Molucas cum duabus tantum navibus pervenit, quas cùm Lusitanis absentibus, one-
rasset, una earum ad scopulos allisa, ante Promontorium Bonæ Spei periit: altera, cui Victoriae nomen, Hispalim post trien-
nium appulit, Orbe circumnavigato.

Lutherus à Leone Papa excommunicatus ad Concilium Generale appellat, & Jus Canonicum cum Bulla suæ excommunicationis Wittembergæ publicè cremat; econtrà Lovaniensis & Coloniensis Academia Lutheri scripta multis erroribus & hæ-
resibus referta damnant, & igni adjudicant, sed & Carolus ejusdem Lutheri scri-
pta, non tantum in Hispania, verùm etiam in Belgio exuri mandat.



D E C A S III.

* (Ab anno Christi 1520. ad 1530.) *

1521. C Arolus V. Imperator in Comitiis Wormatiæ Lutherum cum salvo

CON-

conductu evocatum & obstinatum proscribit, eiusdem scripta & personam damnat Universitas Parisiensis. Et Henricus VIII. Angliæ Rex libro egregio errores ejus refutat, & ob id à Leone Papâ titulo *Defensoris fidei* donatur.

Oritur bellum diuturnum, quod postea 38. annis duravit, inter Carolum V. Imperatorem, & Franciscum I. Regem Gallicarum.

Galli urbem Pampelonam primariam regni Navarræ expugnant, in quâ oppugnatione Ignatius Lojola nobilis Cantabericu bombardæ ex lapide convulso crure uno, altero vulnerato, ad extremum vitæ periculum adducitur, unde Societatis JESU fundandæ occasio illi divinitùs injecta, Deo illum, & institutam ab eo Societatem Luthero opponente.

Solymannus Turcarum Imperator Belgradum expugnat.

Leo X. Pontifex moritur ex lento veneno, ut quidam scribunt per cubicularium propinato, de quo tamen nulla quaestio instituta est, ne Princeps aliquis potentior in crimen vocaretur: adversus hunc Pontificem supra modū calumniis suis defrauent hæretici, quem etiam Purpuratū & Insulatum Sardanapalum appellare audent, à qui-

à quibus tamen vituperari magna hujus
Pontificis gloria est.

Moritur item Emmanuel Rex Lusitanæ
laudatissimus, cui filius ejus Joannes III.
annorum viginti successit.

*(1522.) Hadrianus Belga Traje-
tensis, vir doctissimus, & ex Theologo
Lovanienſi, & Caroli Imperatoris Præ-
ceptore factus Cardinalis, titulo Pamma-
chii, cùm absens in Hispania Cæsar-Augu-
stæ Pro-Regem ageret, eligitur Romæ in
Pontificem, qui nomen non mutavit, sed
retinuit, & dictus est Adrianus VI.

Christianus seu Christiernus Rex Daniæ.
ab Ecclesiâ deficit, & paulò pôst ob crudeli-
tatem suis intolerabilis factus, à Frideri-
co patruo, Holsatiæ Duce, cunctis regni
ordinibus adhortantibus, armis impetratur,
& unâ cum thesauro, liberis, & conjugi
Elisabethâ Caroli Imperatoris sorore in
Belgium profugit, in locum ejus suffe-
ctus est Rex Daniæ & Norwegiæ idem
Fridericus, Sveciæ verò regnum postea
obtinuit Gustavus, quem Sveci elapsum
è custodiâ Christierni Gubernatorem ad-
versus eum constituerant, qui & ipse de-
inde abdicatâ fide Catholica Lutheri sectæ
se dedit.

Rhodus à Turcis diu strenue defensa
tandem

tandem proditione capit: Obsedit eam
Turca cum trecentis primūm , ac deinde
quadrincentis navibus & ducentis ac post-
modum trecentis armatorum millibus, per
Mustapham terrestrium , & Curroglium
navalium Præfectum , quibus Philippus
Villiericus ex Liladami familia cum sex
millibus supra hominem fere & vires hu-
manas restitit : sperabatur ab Occidente
auxilium , sed Christiani Principes suis
commodis intenti & mutuis bellis collisi ,
religionis obliiti sunt. Ipsi quoque Vene-
ti timuerunt displicere Solymanno, & Ga-
brielem Martinengum nobilem machina-
torem Brikianum , quia subiéra Rhodum,
bonis omnibus exuerunt. Faverunt quoq;
Barbaris Judæus Medicus magni nominis ,
& Andreas Ameralus Lusitanus Prior Ca-
stellæ & magnus Ordinis Cancellarius ini-
micus Villierici, per quem hostibus omnia
consilia manifestabantur, unde mirum non
fuit Rhodum domestico & externo malo
pressam periisse. Jam Turcæ convasabant
sua & sub tam forti præsidio de Rhodo ex-
pugnanda desperabat Solymannus, tum
per trans fugam & Amaralum moniti sunt
expedire, tantisper Rhodios, vulneratos,
cæsos, egenos & omni ope destitutos diu
haud posse resistere. Inter hæc Cancellarii
pro-

proditio paulò tardiùs detecta est, deprehensio ejus servo cum litteris, quas ad Turcos ejaculabatur, qui baptizatus & suspensus est. Amaralus autem impænitens capite plexus, Medicus quoque detectus obiit factus Christianus, cum eques ætatis profectæ & diu religiosus vixisset. Initio itaque Decembris Achmetes Bassa, qui Mustaphæ successerat, svadet Solymanno ut spe clementiæ, & magnis promissis Rhodios ad dditionem invitet; hi sine mūris & sine pulvere tormentario & pænè omnes sauciati, honestissimis conditionibus, quæ à Turcis contra consuetudinem servatae sunt, dditionem faciunt. Inter conditio-
nes erat, ut qui vellent, abirent, qui re-
mancerent, quemadmodum sub Equitibus
liberi essent. Solymannus ipse Villericum
invisit, suumque patrem appellavit, & ut
apud se viveret invitavit, ille egit gratias &
Kalend: Januar: consensis navibus in Cre-
tam abiit, quem secuti sunt incolarum Coi
Insulæ quatuor millia, & multi Rhodii,
qui Dominos suos Equites jam ab annis
200. & duodecim relinquere noluerunt.

Res Francica in Italia plurimum insi-
matur & passim perit, præsertim quando
etiam Genua hoc anno occupata atque di-
repta fuit à Cæsarianis, Gallis Francisco

Re-

Regi suo improviso multum indignantibus & stomachantibus. Ducatus quoque Mediolanensis Gallis eruptus est.

In Germania Lutherus Wormatiâ egressus & in via retractus ad arcem, in eâque inclusus, quam deinde Pathmon suam vocavit, etiam invito Friderico postmodum ex arce illa Wittenbergamredit: Cui adjunctus Carlstadius factus agricola, & Philippus Melanchton Pistor, ille etiam Archidiaconus licet, duxit uxorem, cui Epithalamii loco Lutherus missam ridiculam & turpem satis occinendam composuit. Celebratæ sunt hæ nuptiæ ebriis omnibus, convivis & veteris asinæ carnibus saturatis quam ferinæ loco, scabiosam è molendino mastari jussérat vicinus Dynasta, submissis deinde ejusdē juimenti auribus & pedibus, ut intelligerent convivæ quibus epulis deliciati essent. Multa quoq; Lutherus tum scripsit aut verius evomuit, jam in omnem turpitudinem effusus in quam omnem ferè trahebat Germaniam. Et mirum fuit Fridericum Saxonem Electorem, & fratrem ejus Joannem, Lutherum fovere potuisse, quem tamen Ferdinandus Austriæ & Georgius Dux Saxonie exagitabant: cùm nihilominus plures alii. qui eum comprimere debuissent, seigniores essent, quam qui

qui eum ventilarent, adeo incendium ha-
excrevit, ut sopiri amplius non posset &
Septentrionem pænè omnem inflamm-
ret.

¶(1523.) ¶ Hadriauus Papa moritur
cui sufficitus est Julius Medicæus Floren-
tinus dictus Clemens VII.

¶(1624.) ¶ Perdurant in Germania
tumultus de religione, multis conventi-
bus pro controversiis novis & novis sem-
per emergentibus, Norinbergæ, Ratisbo-
næ, Spiræ habitis, Initæ quoque disputa-
tiones acerrimæ irrito semper composi-
tionis eventu, novatoribus pertinaciter
contra Catholicos errores suos tuentibus
unde natæ sunt inter eos 60. diversæ se-
ctæ, quas longum nimis esset numerare.

Lutherus quoq; abjecto jam cucullo mo-
naстico, apostasiæ à fide, addit apostasiam
à religioso Ordine, uxore ductâ Catha-
rinâ Boræâ Sanctioniali ex Monaste-
rio Mymiceâ abreptâ, cuius pravum ex-
emplum magna mox turba monacho-
rum & Clericorum secuta, & facta est lon-
gè lateque eluvio omnium scelerum.

Non defuit tamen suæ Ecclesiæ provi-
dus & benignissimus Deus, qui deficienti-
bus aliis novâ prole alibi Ecclesiam suam
propagavit, viros in fide fortes & insti-
tutis

tutis ac moribus sanctos impiis apostatis opposuit. Hoc enim anno institutus est Ordo Clericorum Regularium quos Theatinos vocant, à Petro Carafa Episcopo Theatino, qui postea creatus est Pontifex, dictus Paulus V.

In regno quoque Mexicano quidam, Valentinus cum 12. monachis verbo & miraculis promovet fidem.

Floridam hoc anno lustravit Johannes Verrazanus Florentinus sub auspiciis Francisci I. Galliarum Regis, & regionem illam novam Franciam appellavit Canadensem quoq; dixit à magno fluvio qui eam alluit & Canada vocatur. Dicta postea est Insula S. Laurentii.

* (1525.) * Jubilæum hoc anno raro & tenui concursu celebratur Romæ, quia Italica bella & hæretici passim Indulgencias allatrantes multum pietati promovendæ obstabant.

Hoc anno Franciscus Galliarum Rex Papiam obsidet, quod omnes periti rei militaris dissuadebant, censebautq; in tuta loca recedendum esse, sed prævaluit Admiralius Boniverus, ex quo uno Rex pendebat, itaque pugnâ initâ à Ducibus Caroli Imperatoris Rex Franciscus ferocius quam fortius pugnans & ore, manu, femore, saucius



cius equoqué suffosso, captus est cùm Henrico Navarræ Rege, aliisque proceribus Boniverius autem ne veniret in Borboni manus in confertissimam aciem irruens non inultus occubuit cum Palissio & Lescurio Mareschallis, multisque viris magni nominis. Octo Francorum millia aut ferro, aut in Ticino fluvio periēre. Ex Cæsarianis vix septingenti cæsi sunt, inter quos Ferdinandus Castrriottus equitum Præfectus, magni Scanderbegi pronepos Regis manu interfactus est. Franciscus usque dederet Borbonio, adduci non potuit: venit ergò in Lanioii manus, liberaliter habitus, & ut deceret Regem: quando etiam oblitus sui ipsius obtinuit, ut puer ephœbi Franci ex Italorum manibus eriperentur, & darentur Hispanis, apud quos castius servarentur. Ad pedes capti Regis advolutus Borbonius veniam petiit, excusavitque factum, suam scilicet à Rege defectionem, ad quod ab Aloysia Reginâ impulsus esset, jam expertus suæ ultionis dulcedinem multo felle dilutam esse. Henricus Navarræ Rex è custodiâ Ticinensi brevi evasit: Franciscus autem navi ductus est in Hispaniam, & ubiq; humanissimè & regiè exceptus, ægrotavit autem non multò post valde periculosè Madi-

driti, ubi medicis suadentibus eum Carolus invisit, & spem libertatis injecit, exinde melius habuit.

In Germania bellum rusticum eorum, qui contra Clerum & suos Principes à Lutheru excitati insurrexerunt, sopitur, occisis ex iis supra centum millibus, & Duce eorum Müntzero capite plexo.

Videntur etiam hoc anno exorti Molles Lutherani, cum Philippus Melanchton Philippum Hassiae Landgravium ad haeresin traduxisset, eidemque persuasisset ut nihil de Ecclesiæ ritibus iniutari fineret.

Exorta est etiam secta Libertinorum, auctoribus ejusdem postea Tornaci exustis.

Senatus Parisiensis, ne Lutherana haeresis per Galliam serperet, ejusdem primum promulgatorem flammis exurit.

Albertus Marchio Brandenburgensis, Magister Ordinis Teutonici in Prussiâ, cum diu subterfugisset Sigismundo Regi Poloniæ Sacramento se obstringere, sicut olim inter ipsorum antecessores conventum erat, nunc tandem fatigatus infestationibus & inflictis à Polonis calamitatibus cum Rege transigit, ut Ordo mutetur in Ducatum, qui ipsi Alberto jure hereditario conferatur, eaque ratione ipse pri-

C

mns



mus Dux Prussiæ creatus, & factus est Lutheranus, & ut Magistrum suum Luthe-
rum imitaretur, anno sequenti uxorem
duxit Dorotheam Regis Daniæ filiam, fu-
turus liberorum ex carne pater, & non am-
plius in spiritu & Christo pater Crucife-
rorum.

Detecta est hoc anno à Francisco Pizar-
ro Hispano Duce, Regio Peruana, ditis-
sima & feracissima auri ac argenti, cuius
caput Cusco est Regia sedes, quam intra
annos octo Hispanico Imperio adjunxit,
cæso Imperatore Peruano Atalipâ.

Ordo Patrum Capuccinorum inchoatur,
quem Deus hæresiarchis spurcissimis hu-
jus temporis opposuit, qui ab hæretico-
rum abominationibus homines suo exem-
plo, & carnis inimico vivendi instituto re-
vocaret.

ERRORES ET HÆRESIS MARTINI LUTHERI.

1. *L*utherus magnam scripturæ partem tan-
quam apogrypham repudiavit, videlicet
Tobiam, Judith, multa capita ex Esthere, Job,
Ecclesiasten, Sapientiam, Ecclesiasticum, Baruch,
partem Danielis, libros Machabæorum, Episto-
lam Pauli ad Hebræos, Epistolam Jacobi, secun-
dam Petri, duas ultimas Joannis, Epistolam Ju-
de & Apocalypsin.

2. Er-



2. Errores vocabat omnes scientias speculativas.
3. Negabat honorandos aut invocandos esse Sanctos & cupiebat abrogari illorum festa.
4. Si non ipse Lutherus, quidam tamen illius discipuli impugnabant imagines.
5. Negabat in homine liberum arbitrium.
6. Censebat omnia necessitate absoluta & inevitabili evenire.
7. Hinc aliqui ejus assecle dicebant orationem esse inutilem.
8. Lutherus sibi persuadebat hominem gratiam Dei excidentem aliud nihil facere posse quam peccatum.
9. Ad Ecclesiam non pertinere nisi bonos.
10. Concilium generale etiam rite congregatum errare posse, tam circa fidem, quam circa mores.
11. Neque Apostolos, neque Prælatos illorum successores habere auctoritatem ullam à JESU Christo condendi canones & leges.
12. Non licere quenquam ullis humanis legibus adstringere, unde concludebat non solum licere, sed etiam necesse esse cælibatum & monachatum violare.
13. Prælatis Ecclesiæ obtemperandum non esse nisi in rebus in scripturis apertissimè expressis.
14. Summum Pontificem non esse aliis Episcopis superiorem.

15. Papæ nomen nihil aliud esse quam regnum Babylonis.
16. Anti-Christum non esse particularem personam.
17. Non esse timendam excommunicationem sed ut fulmen fanaticum irridendam.
18. Ecclesiam, seu Personas Ecclesiasticas non posse nec debere habere propria bona, unde Principibus suadebat Ecclesiarum expoliaciones.
19. Hominis iustitiam in sola peccatorum remissione sitam esse absque ulla interna renovatione.
20. Iustitiam non produci à Deo in nobis, neq; nobis inhærere, sed Christi duntaxat iustitiam nobis propter fidem imputari.
21. Peccatum in nobis semper manere.
22. Solam fidem justificare, non autem opera.
23. Justum certò etiam certitudine fidei sciri se esse in statu gratiæ, licet nullam ejus revelationem specialem habuerit.
24. Christianum non posse salutem perdere, etiamsi vellet, nisi velit non credere, ita ut sola incredulitas damnationem afferre possit, Omnia peccata cætera à fide absorbeantur.
25. Peccata non imputari habenti fidem.
26. Imo aliud peccatum esse nullum præter infidelitatem.
27. Fidem quolibet peccato mortifero amitti, Quidam hic error cum antecedentibus parsum convenit.
28. Nul-



28. Nullum esse præceptum in novo Testamento sine Evangelio, sed esse tantum exhortationes & obsecrationes.

29. Impossibilem esse mandatorum Dei observationem.

30. Primos motus esse peccata.

31. Timorem servilem, qui ob penam à peccato avocat, esse inutilem.

32. Omnia opera hominis quantumcumque, bene sint facta, esse peccata.

33. Nullum esse meritum ad vitam æternam consequendam.

34. Nihil discriminis esse inter consilia & præcepta, eaque omnia quæ in Evangelio commendantur, esse præcepta, & nihil Deo gratum esse, nisi ipse præceperit, ac consequenter consilia esse interdicta, qui error à diametro pugnat cum errore decimo nono: ex eo tamen ipse Lutherus quatuor sequentia eliciebat.

35. Religiosam paupertatem ac mendicitatem esse prohibitam.

36. Prohibitum esse cælibatum & virginitatem Domini mandato adversantem, observaturque impossibilem.

37. Obedientiam Prælatis non esse exhibendam, licet ad eum quis se voto obstrinxerit.

38. Monachalem sive religiosum statum esse damnabilem, votaque religiosa ut impia & diabolica esse retractanda.

39. Jejunium nullius esse meriti.
40. Licere quibuslibet uti cibis omni tempore.
41. Hæresin esse dicere Sacramentum aliquod conseruare gratiam accipienti, quæcunque tamen sit ad illud præparatio.
42. Merè novorum esse Theologorum commentum asseverare Sacramentum aliquod imprimere Charakterem.
43. Baptismo non deleri peccatum.
44. Confirmationem non esse Sacramentum, sed simplicem ceremoniam ac consuetudinem.
45. In Eucharistiae consecratione missæ celebrationē non esse aquam adhibendā, sic Lutherus in formula missæ, licet fluctuans ac dubitans.
46. Rejiciendam esse transubstantiationem Eucharisticam, ipsum eundem panem, ipsum idem vinum manere post consecrationem, quod ante fuit.
47. Verum Christi Corpus non esse in Eucharistia secundum existentiam permanentem, sed tantum secundum usum, eo scilicet tempore tantum quo manducatur sumitur ac consequenter Eucharistiam in altari nunquam esse servandam extra sumptionem.
48. Unicuique Christiano cujuscunque sexus ac conditionis etatis, necessariam esse sumptionem sub utraque specie, ita ut peccet si aliter fecerit.
49. Eucharistiae sumptioni non esse præmitendam



tendam confessionem aut examen conscientiae,
vel ullam pœnitentiam, sed sufficere solam fidem,
quâ quis credat & confidat, se in ea gratiam
obtenturum.

50. Missam neque esse à Deo institutam, neq;
esse sacrificium, in libro tamen, quem de missa
privata conscripsit, liberè fatetur se à diabolo
permotum fuisse ad missam impugnandam.

51. Missam offerri non posse pro peccatis,
neq; alius seu vivis seu defunctis prodeesse, sed
soli tantum Presbytero.

52. Pœnitentiam non constare ex tribus par-
tibus, & optimam pœnitentiam esse novam vi-
tam. Unde sex sequentes errores à Lutheranis
inferebantur.

53. Eam contritionem seu pœnitentiam quæ
initium sumit ab horrore inferni, esse pernicio-
sam imò peccatum.

54. Confessionem auricularem non esse à
Deo, sed ab hominibus institutam.

55. Absolutionem esse à sola fide ut pœnitens
verè sit absolutus, dāmmodo illud ita credat,
licet contritione careat, neq; à Sacerdote seriè
absolutus sit, sed tantum joco.

56. In pœnitentia & remissione peccatorum
nihil amplius facere Papam, vel Episcopum quam
minimūm Sacerdotem,. Quin etiam si defit Sa-
cerdos quemlibet Christianum, imo fœminam &
puerum posse idem efficere.



57. Nemtnem ubi absolutus fuerit, teneri a satisfactionem.
58. Explodendas esse Papæ Indulgentias.
59. Purgatorium ex scriptura probari non posse.
60. Animas in Purgatorio, si illud existat, detentas posse adhuc mereri, adeoq; nec esse de sua salute adhuc securas.
61. Animas illas assidue peccare, quamdiu quietem querunt, & pœnas horrent, quoniam querunt quæ sua sunt, contra Dei voluntatem.
62. Extremam Unctionem non esse Sacramentum, licet sit aliqua ceremonia.
63. Ordinem non esse Sacramentum.
64. Fœminas Sacerdotii capaces esse.
65. Christianos omnes absq; ullo discriminis sexus aut conditionis esse Sacerdotes, & eandem habere circa Verbum & Sacra menta potestatem.
66. Sacerdotes non debere cælibatum servare.
67. Matrimonium non esse Sacramentum.
68. Polygamiam esse licitam, & posse virum absque peccato plures uxores habere simul.
69. Licere conjugi conjugem permutare, quando alter ab altero ad furtum aliudque peccatum inducitur.
70. Idem licere uxori, si à viro ethnico seu à Pseudo-Christianu deseratur.

71. Di-



71. Divortium fieri ac matrimonium dis-
solvi posse inter maritum pauperem & uxorem
divitem.

72. Idem fieri posse ob frequentes rixas, si co-
habitare non possint.

73. Idem fieri posse si alter alteri debitum
conjugale neget & debitam benevolentiam. Hic
inquit Lutherus, opportunum est, ut mari-
tus dicat: si tu nolueris, alia volet; si domi-
nā nolit adveniat ancilla.

74. Posse virum uxorem ducere Patruelēm
suam aut Consobrinam, imo & neptem ex fratre
vel sorore.

75. Licet fluctuanter & dubitanter loquatur
Lutherus, posse fratrem matrimonio sibi copu-
lare sororem suam paternam vel maternam, mo-
dò non ex utroq; parente soror existat.

76. Omnes, iis exceptis, qui prædicationi
insistunt, teneri vitam operibus manuum suspen-
tare, ita ut mendicare non liceat.

77. Injuriam patienti non licere à Judice
expetere ut illa sarciantur.

78. Nefas esse bellum cum Turcis gerere,
quandoquidem inquietabat Lutherus, illud est Di-
vinæ voluntati refragari, qui per Turcas visi-
tat & corrigit nostras iniquitates.

Hæc cloaca errorum est Lutheri & Lu-
theranorum: attendat autem Lector, eos
non tantum in Concilio Tridentino, sed
etiam

etiam in anterioribus Conciliis plerosque
damnatos esse, quos Lutherus & affecta
tantum resuscitarunt, omnes autem ha-
hæreticas propositiones & scandalosas in
libris Lutheri aut Lutheranorum sparsim
contineri, accurate ostendit Gaultherius
in Tabulis Chronographicis Ecclesiae Ca-
tholicæ, in citationibus marginalibus.

HÆRESIS JACOBI PPÆPOSITI.

ERAT HIC NATIONE BELGA, Professione Augu-
stinianus, sed Lutherum secutus in erroribus
quem cum circa annum 1523. Ejurasset, eide
postea iterum in plurimis adhæsit. Quocirca
Religiosi in conventu Antverpiensi, qui ab i-
n errorem industi fuerunt, carcere conclu-
sunt, & jussu Hadriani VI. Conventus ejus fun-
ditus destrutus est. Puncta hæreses ejus Pra-
teolus recenset viginti septem, quæ in erroribus
Lutheri continentur, ideoque repetere non es-
necesse.

DE ANABAPTISTIS, SEU MUNTZE- RICIS, AUCTORE THOMA MUN- ZERO, ET ENTHUSIASTIS.

Quo primū instrumento dæmon usus
sit, ut Anabaptistarum hæresi exor-
dium daret, non est omnino liquidum:
alii Carlstadio, alii Zwinglio, alii Baltha-
sari Pacimontano hanc palmam deferunt
RELIQVIA

Sunt



Sunt, qui tribuunt Thomæ Müntzero, appellato etiam Monetario, Nicolai Storkii discipulo, qui circa annum 1524. sibi à spiritu revelatum esse gloriabatur, quod gladio Gedeonis, quem se à Deo accepisse dicebat, universum Orbem cogere deberet, ad novum Christi regnum institendum. Unde & ipse anno 1525. rusticos per totam Germaniam concitavit, ut in suos Dynastas arma caperent. Sed Principes, immisso in eos copiis, centum quinquaginta millia eorum interfecerunt, ipso quoque Müntzero capto, & justo supplicio affecto. Et hanc cædem probavit Lutherus, qui anteà eorum rebellionem probaverat, ne scilicet ipse quoque ut incitor involveretur, jam enim in eorum concitatores legibus & ferro agebatur. Nicolaus Storkius dictus Pelargus inter mendicos fugitivus obiit: Balthasar Hubmejerus Pacimontanus diu vagus erravit, & tandem post longum carcerem anno 1528. Viennæ flammis exustus, & uxor ejus aquis submersa est, ambo scilicet per ignem & aquam ad majora suppicia transiit.

Müntzeri porrò & Anabaptistarum, qui eum secuti, præcipui errores sunt:

1. Puerorum Infantium Baptismum iniuti-

C 6

lem



iem esse quare eos compotes rationis factos iturum abluunt, hinc Anabaptistæ seu Rebaptizantes nominati.

2. Negant filium Dei ex Beata Virgine carnem suam sumpfisse.

3. Realitatem & Sacrificium Eucharisticum rejiciunt.

4. Adeo Anabaptistæ ferini sunt, ut putent quilibet fæminam obligari, ejus qui se conciperit voluntati servire. Et vicissim virum quilibet teneri ejus quæ se rogaverit libidinem admittere.

5. Adeo cæci sunt & turpitudinem suam non agnoscunt Anabaptistæ, ut eorum etiam culibia damnent, qui suam sectam non sequuntur, ea polluta ac diabolica nominantes.

6. Chiliasiarum seu Milleniorum sedum errorem tuentur.

7. Concionantur communem libertatem & Principibus extinctam armis repetendam esse.

8. Cum Principatum & subjectionem omnem damnent & ejurent, credunt insuper se obligatos esse ad eos omnes Principatus & Magistratus tollendos qui sua sectæ nomen non dederint.

9. Credunt peccata sua omnia propter Christum sibi condonata esse, & se in statu gratia vivere ac de gloria securos esse.

10. Thomas Müntzerus suos loca secretæ querere jubebat, & illic sèpenumero cogitare quid

os illi.
izan.
e car.
ticut
uten
oncu
virum
dinem
suan
m cu
quun
edun
em
esse.
mnem
bliga
istra
erint
Chri
gratia
secreta
gitari
quid

quid sit Deus? aliquamne curam gerat, rectane sit fides sua? petere etiam a Deo signa, quibus intelligent se illi curae esse, & fidem suam esse Orthodoxam.

11. Suis mandabat Müntzerus, ne scripturis fiderent, sed haberent somnia tanquam signa certissima accepti a se Spiritus sancti.

12. Imperabat suis ut publicis sceleribus abstinerent, corpus jejuniis, asperis vestibus & taciturnitate affligerent, & barbam non raderent ut sic externis hisce simulationibus venenum interius dissimularent.

DE ANDREA CARLSTADIO.

Andreas Carlstadius Archi-Diaconus Wittenbergensis, principio Lutheri affectus & amicus conjunctissimus, sed cum ea familiaritas biennium non expletset, ab eo recessit, & circa annum 1524. Berengarii errorem restauravit, realem Christi Corporis & Sanguinis presentiam impugnavit, & ex Lutheri addictissimo fratre infensissimus hostis effectus est. Hujus dissidii origo fuit, quod Lutherus Wittenbergâ absente Carlstadii illo inscio illic missam abrogavit, habitum Ecclesiasticum abjecerit, Eucharistiam profanaverit, imagines e templis ejecerit, quod Lutherus post redditum suum indignissime ferens, acriter duos libros contra eum scripsit.

Memorant Surius & Sleidanus, Lutheri jussu è Saxonie finibus Carlstadium expulsum esse. Narratur item de Carlstadio quod, absente Lutheri, Wittenbergenenses scholasticos eò adduxerit, ut humaniorum litterarum libros comburerent, sequè ad opificia addiscenda conferrent, quemadmodum & ipse factus est agricola, sicut & Melanchton pistor, eo scilicet errore imbuti, neglectis scientiis omnibus soli & nudo textui Scripturæ sacræ operam omnem esse inpendendam. De Carlstadio scribunt Ministri Basileenses, eum horribili morte vitam terminasse, & à dæmo ne interemptum.

DE JOANNE OECOLAMPADIO.

Joannes Oecolampadius Germanus, S. Brigitæ quondam Monachus, cùm aliquamdiu adhæsisset Lutheri, Anti-Lutheranus & Sacramentarius effectus est.

1. Circa annum 1525. scripsit contra realitatem Eucharistie, interpretans vocabulum est, verborum consecrationis Hoc est Corpus meum vocè Significat.

2. Negabat Christianis licitum esse bellum gerere.

3. Libertatem arbitrii rejiciebat.

4. Cultum Invocationem Sanctorum damnabat.

Coch-



Cochlæus in actis Lutheri narrat Oecolampadium, cùm serò lectum petiisset, postero die manè in cubili mortuum à prætentâ uxore suâ repertum esse, sive ipsa eum occiderit, ut plerique dicunt, sive ipse sibi manus intulerit, ut volunt alii, seu tortorem dæmonem habuerit, quem admodum scribit Lutherus in libro *de Misericordia privata*, multùm contrarius Bezæ qui in suis Iconibus ait, Oecolampadium, quem Basileensis Ecclesiæ restauratorem appellat, peste illic extinctum esse.

**DE LIBERTINIS SEU QUINTINIS.
TIS A QUINTINO ET COPPINO
PROGENITIS.**

Quintinus sartor Pikardus socio Coppino, circa annum 1525. pestiferum de libertate errorem in Brabantia & Hollandia disseminavit, pro quo, aliisque multis criminibus extremo suppicio Tornaci affectus est, hæresi priùs abjurata.

Fundamentum præcipuum Libertinorum fuit, unicum esse spiritum immortalem scilicet Deum Angelos autem, Dæmones, & hominum animos nihil esse, nisi meram opinionem, ex his Principiis sequentia dogmata deducebant.

1. Omne id quod ab hominibus fieri videtur, sive bonum sit sive malum, ab ipsis non fieri, sed ab unico illo spiritu Dei, qui omnia in omnibus operatur.
2. Pec-

2. Peccatum aliud nihil esse, quām falsam & inanem quandam opinionem, quandoquidem Deus qui cuncta operatur, nihil mali admittens potest.

3. Eos qui occidunt, mechantur, aut furantur non esse arguendos, in Deum enim caderet ista reprehensio.

4. Regenerationem hominis in eo sitam esse ut omnis scelerum conscientia deponatur, remorsus ejus expellantur, & quod inter bonum & malum discriminem intercedat, nesciatur. Nam, inquietabant, uti in statu innocentiae ignorabat Adamus, quo differret bonum & malum, sic quae omnia quae collibuerint nullā conscientiā reclamante, faciunt ad eum statum redeunt ita ut secundūm eos in hoc libertas Christiana positā sit, & veteris Adami mortificatio. Unde si aliquem in peccando trepidantem & metuentem viderunt dicere soliti erant. O Adame! quid adhuc vides aliquem? adhuc retines illius pomi saporem?

5. Aliud nihil esse pænitentiam, quām se nihil mali admisisse cognoscere & profiteri.

6. Posse hominem in hac vita innocentiae & perfectionis apicem ascendere, omnes conscientiae stimulos reprimendo.

7. Ipsum Christum esse quiddam ex spiritu Dei & opinione compactum, tunc autem mortuum esse quando eam opinionem, quod ipse aliquid

quid esset, abolevit, ab inferis verò esse suscitatum,
T vitam nobis restituisse, cum ipsummet Dei
spiritum, qui vivit T regnat semper, nos esse
docuit. Deniq; nullam aliam resurrectionem
esse sperandam.

8. Licere omnia simulare T dissimulare, cum
Catholicis vivendo Catholicè, cum Lutheranis
Lutherano more.

9. Minimo loco habendas esse scripturas,
cum spiritus sufficiat, unde Libertini adeo scrip-
turam aspernabantur ut S. Joannem Evange-
listam Juvenem stolidum : S. Matthæum
Fœneratorem, S. Paulum Vas confractum,
S. Petrum Christi abnegatorem nominarent.
**DE UDALRICO SIVE HULRICO
ZWINGLIO, ZWINGLIANORUM
PARENTE.**

Zwinglius anteà Canonicus Constanti-
ensis, Carlstadium magistrum habuit
& statim ab ipso pro Berengarii errore
scripsit anno 1525. negans veram Chri-
sti secundùm corpus & sanguinem in Eu-
charistia præsentiam & realitatem. Hoc
facto probavit se Lutheri adversarium esse.
Occisus est in prælio contra Catholicos
gesto anno 1531. ejus verò corpus po-
stea combustum est. Errores sunt, qui se-
quentur.

1. Indulgentiis bellum indixit.

2. Te-

2. Testatur Zwinglius se per somnium edo-
lum esse quâ ratione Eucharistiae veritatem im-
pugnaret, à quodam spiritu, qui an albus a
ater fuerit, negat se unquam potuisse meminisse.

3. Putat Zwinglius peccatum Originis no-
esse peccatum, sed naturæ morbum.

4. Gratiam rejicit, aut saltem cum Pelagi-
gatiae necessitatem, quando docet hominem
solis viribus naturalibus & propriis meritis pos-
adipisci, & sic de Catone ac Scipione judican-
dum esse, eos salutem consecutos fuisse.

5. Zwinglius ad Nestorianos, Luthero testu-
descivit, cùm verba Capitis primi S. Joanni
corrupit, legens. Verbum Caro facta est.
**DE DAVID - GEORGIANIS SEU DA-
VIDIANIS, EX GEORGIO DAVIDE
PROFECTIS.**

Georgius David vitriarius Gandavi in
Flandria anno 1501. ex circulatore
natus, hæresin suam disseminare cœpit in
Frisia anno 1525. cuius præcipua dogma-
ta erant.

1. Se Dei nepotem esse dicebat ex spiritu, non
ex carne natum, verum Messiam & tertium
Davidem, qui in terra regnare debeat.

2. Cælum vacuum esse dicebat, ideoque si
missum, ut in regni cœlestis hæredes filios ad-
optaret.

3. Negabat resurrectionem mortuorum,
postre-

n edo
emim
ous a
inissi
is no
elagi
ninen
s poss
lican
testi
anni
est.
DA
DE

postremum judicium *Spiritus* aliquos esse seu bonos seu malos , itemque vitam æternam.

4. Cum Adamitis matrimonium rejiciebat , jubens communia esse cubilia fæminarum.

5. Sentiebat cum Manichæis animam peccatis non inquinari sed tantum corpus.

6. Infidelium animos æquè ac fideliū salutem adepturos , *S* vice versa Apostolorum corpora non minus inferorum flammis cremanda , quam infidelium.

7. Stultum esse dicebat peccati accusare , si quis coram hominibus Christum negaret , unde insanos Apostolos *S* Martyres vocabat , quod suo sanguine Christi fidem sancivissent.

Obiit David Basileæ anno 1556.

DE CHRISTOPHORO SCHAPLERO, ET ASSECLIS.]

Fuit hic Christophorus Schaplerus unus ex primariis Ducibus rusticorum , qui Müntzeri insolentissimæ factioni adhæserunt. Scripsit duodecim Articulos de Christianâ libertate contra Principatus & Magistratus propugnandâ. Præcipuus articulus fuit , Nullum esse Magistratibus tributum solvendum.

* (1526.) * Solymannus Turcarum Imperator veritus , ne post Rhodum captam coirent Principes Christiani , Ludovico Hungariæ Regi pacem offert , quam ille recu-

recusat suadente licet Pontifice & Veneres in
tis. Solymannus itaque Hungariam in ubiq
gressus cum 300. armatorum millibus, cu stea
cum 25. millibus occurrit Ludovicus, Du
ce Paulo Tomoreo Archi-Episcopo Colostod
censi Minoritâ, præliu imprudenter con
ferit, & vietus cum ingenti suorum frag
periit in palude submersus, anno ætatis vi
gesimo: Periit etiam Paulus cum multi
Episcopis: & magnâ parte Nobilitatis, ca
si sunt omnes aut capti Duces, præter
Hannibalem Cyprium copiarum Pontifi
ciarum Præfustum: Latè vastata Hunga
ria, captivi abducti 300. milia Christiano
rum. Ne autem ulterius Solymannus
progrederetur, impediverunt in Asia mo
tus excitati a quodam Saraceno monacho
Calendero Zelebe, cui se multi Bassæ con
junxerant. Sed hic demum vietus ab Ibra
mo Bassa, morte tuâ Turcis pacem, & me
tum reddidit Christianis.

Ludovico successit Ferdinandus Archi
Dux Austriæ, & frater Caroli V. Sed
brevi Bosniam & Croatiæ partem Rex no
vus amisit, & Turcis cedere coactus est.

Sigismundus Rex Poloniæ restituit fi
dem Catholicam Gadani, unde anno su
periore depulsa fuit: In variis quoque lo
cis cremati hæreticorum antesignani, hæ
resia

Veneris nonnihil suo cinere restinxerunt ,
in ubique blandius sese insinuantem , ut po-
s, cu stea atrocius debaecharetur.

Du Franciscus I. Rex Franciae cum in cu-
lo studiâ Hispalensi convaluisset, adeo duris
conditionibus emissus est in libertatem à
Carolo V. ut, quamvis duos filios obsides
dederit, tamen, cum postmodum in Gal-
liam pervenit, mense Martio habitis regni
Comitiis decretum fuerit , conditiones
admitti non posse quoad restitutionem
Burgundiæ & plurimorum jurium renun-
ciationem , ingentem tamen vim pecuniæ
pro Regis redemptione persolvendam esse.
Rex insuper in firmæ amicitiæ pignus , uti
convenerat, ad ducendam Eleonoram so-
rorem Caroli , & viduam Emmanuelis Re-
gis sese offerebat. Cum verò hæc Caro-
lus acceptare abnueret , & Duces ejus in
Italia Franciscum Sfortiam Ducem Me-
diolanensem proditionis insimulatum ex-
pulissent, ac denique quod Carolus in Hi-
spania diceretur lege cavisse , ut Pontifi-
cia diplomata Regius Senatus examina-
ret,his de causis Clemens Pontifex cum
Rege Francisco , Venetis, ac Longobar-
dis fœdus contra Carolum iniit , Anglo
etiam ad id solicitato , & Carolo ægerri-
mè id ferente , cuius Duces propterea
Pon-

Pontificem supra modum vexarunt, & di- mit
reptâ supellecstile in castrum S. Angelis non
recipere coegerunt, omnibus Ecclesia cap-
fulminibus neglectis. Mox etiam hoc eo pra-
dem anno adhuc Lanoius cum classe
Hispanica Cajetam appulit, Francisco &
Carolo pro gravissimi belli exarsuro in-
cendio magnas ubique copias comparan-
tibus.

* (1527.) * Funestus hic annus fui
Romæ direptione: quando Carolus Bor-
bonius Duxor copiarum Imperatoris in
Italia Romam aggressus, & 3. Nonas Maii
obsidere cœpit, urbem die sequenti ex-
pugnaturus, quod & præstitit, ipse sca-
lam ferens ad murum, ut conscederet,
sed sclopeto ictus pugnandi vivendi que si-
nem fecit; cuius tamen morte militum ar-
dor restinctus non est, sed ultionis æstu
magis accensi Philiberto Arausicanu Duce
ardorem ventilante magis & accidente:
furiosâ vi urbem occupârunt, obvios
quosque armatos & inermes trucidârunt,
nobiles æquè ac divites, matronas & vir-
gines prostituerunt, etiam sacris & Deo
dicatis pudorem eripientes. Verbo, æqua-
li furore in sacra & profana sœvitum est,
quodque instar omnium malorum fuit,
etiam Vaticana Bibliotheca incensa indo-
mitos

& di mitos furentium ardore experta est, ut
geli se non à Christianis, sed ab Ottomanis urbs
clesia capta putaretur. Novatorum asseclæ,
oc eo præcipue qui copiis Cæsarianis magno
classe numero intererant, tunc ostendere, quo
fco & animo essent in Pontificem & Ecclesiam,
ro in nulli parcentes contumeliae in Antistites
aran. & Sacerdotes, quorum multi ex plagis &
s fui vulneribus interière, & hæreticis quidem
Bor permixti Itali, Hispani & Germani Catho-
ris in lici cum lupis pariter ululârunt: Cle-
Maj mentem Portificem in arce S. Angeli ob-
ti ex sessum durissimis conditionibus sese dede-
runt: quo rerum eventu audi-
t sca to Florentini Medicæos expulerunt, &
eret, disjectis Pontificum Leonis ac Clementis
ue fi imaginibus pristinam Reipublicæ suæ for-
mam reducere conati sunt. Carolus au-
m ar tem Imperator magnum præsetulit mœ-
æstu rorem, supplicationibus etiam publicis in-
Duce stitutis, hæc tam atrocia se invito perpe-
ente trata esse, plurimum verbis contestatus,
ovios qui etiam Pontificem è custodiâ emitti jus-
runt, fit, lytro tamen ingenti priùs deposito.
Deo Videbatur tunc multis Cæsar id non factu-
qua- rus fuisse, sed potius in Hispaniam capti-
est, vum Pontificem missurus, nisi Henricus
uit, VIII. Rex Angliæ ad Pontificis partes in
ndo hoc afflito rerum statu se convertisset, &
mitos pari-

pariter Galliarum Rex ad liberandum
Pontificem exercitum misisset.

Inter hæc in Germania scriptis atrociter certatur, & Lutherus parcebatur nemini non Tiaris, non Coronis: vicissim ipse multis impetebatur. Altercantur etiam graviter inter se Semi-Lutherani, qui postea Adiaphoristæ & Confessionistæ sunt dicti, & Lutherani rigidi, aliter a Mathi Flacco Illyrico nuncupati Illyricani.

* (1528.) * Franciscus I. Galliæ Repro sua redemptione & ad liberandos obfides filios offert Carolo V. vicies cent millia, quos cùm Carolus recusaret, & vellet adimpletas initas conditiones ad apem, indistum est illi à Francis pariter & Anglis bellum. Franciscus quoque Galliæ Rex ad singulare certamen Carolum provocavit, quam provocationem tam Cæsar meritò elusit.

Lautrechius cum Gallico exercitu ingressus regnum Neapolitanum, omnes ubes ferè occupavit, præter Neapolim & Cajetam, quam etiam obsedit; factum tamen Gallorum levitate, ut iterum perderent, quidquid facili labore acquisiverant.

Henricus VIII. Catharinam Caroli V materteram facto divortio repudiat, & Annam Bolenam in sociam tori & regn adsci

adsciscit, quod cùm Pontifex improbaret, simul fœdus & amicitiam cum Henrico abrūpit. Huic divertio initium & causam præbuit Cardinalis Volsæus, qui, cùm videret Regem despicere uxorem suam, ex quâ tamen Mariam susceperebat, suspicione illi injecit de valore matrimonii, cùm eâ per Pontificis dispensationem initi, & pro Catharinâ obtulit Margaritham Alen-zoniam, Francisci I. sororem; Verū Rex impudicus in Annanı Bolenam oculos conjecerat, fœminam quidem non venu-stam, sed staturā, cantu, fidibus, & face-tiis non illiberalē. Hanc quidam scor-tum nobile Parisiis fuisse scribunt, imò & suscep̄tam ex Henrico de adulterio, qui matrem ejus deperierat, quod tamen Hen-ricus nihil fecit, cui & aulicus quidam scurra dicere & ab blandiri non erubuit, si matrem deperiret & filiam, eum non plūs peccaturum, quām si in prandio gal-linam, in cœnā pullam ejus comedisset. Henricus porrò cùm causa divertii Romæ ageretur, inter constitutos à Clemente ju-dices Cardinales, Laurentium Canipejum, & Thomam Volsæum, jussuque Pontificis protraheretur (sperabat enim Pontifex, hoc negotium tempore & patientiā extingui posse) pertæsus moram, & suspica-

D

tus,



tus, se à Volsæo delusum esse, eum Cancellarii dignitate exuit, & Eboracum relegavit; hīc bonis pñè omnibus spoliatus, & demum Londinum vocatus, ut causam læsæ Majestatis diceret, in itinere ex dysenteriâ obiit, vir ingenio, solertiâ & simul criminibus magnus, & post ejus obitum anno sequenti divortii negotium tractari cœpit inter Theologos & viros eruditos: Rex habuit suos & pro se, sed sceleratos omnes, Catharina probos tantum & veritatis amantes, inter quos cùm emineret Thomas Morus, eum Henricus Cancellarium creavit, ut ad partes suas pelleret; Stetit quoque à Reginâ Reginaldus Polus Regis consanguineus, magnæ exspectationis & doctrinæ juvenis, sed adhuc majoris constantiæ, qui etiam mortem sibi Regis manu paratam neglexit, ne veritati defuisse videretur. Incepit igitur jam ab hoc tempore Henricus Romanus Pontificis nomen aversari, ut se Caput Ecclesiæ Anglicanæ posthac nominaret.

In Galliâ celebratur Concilium Senonense contra hæreses, & pro morum reformatio-ne.

Ordo Patrum Capuccinorum à Clemente V. Pontifice, magno Ecclesiæ bono, confirmatur.

1529

¶(1529.) Novis indies sectis Rem-publicam dilacerantibus Spiræ in Conven-tu Imperii agitur de expeditione contra Turcas , & decernitur, standum esse edi-cto Wormatiensi contra Novatores, contra hoc edictum Principes Lutheranæ sectæ addicti, solenniter protestati sunt cum Jo-anne Electore Saxoniae , & Landgravio Hassiæ , ex quo etiam *Protestantes* appel-lari cœperunt.

Carolus V. cupiens coronari à Pontifice, redit in ejus gratiam , & pacem init cum illo, & simul cum Francisco I. Rege Galliarum , summo Christianitatis emolumento.

Celebratum est hoc anno colloquium Marpurgense inter celeberrimos hujus temporis heterodoxos, quod dissolutum est, renuente Luthero Zwinglium appellare fratrem. Postea Protestantes Smal-kaldiæ Conventum egere , ratumque ha-buerunt, eos deinceps tanquam hostes excipere , qui doctrinæ suæ repugna-rent, & mutuo inter se fœdere devinci , nequaquam de Turcis cogitârunt, quan-quam hi formidando exercitu irruptio-nem pararent.

Solymannus Imperator Turcarum à Joanne Waywoda evocatur , ut re-gnum reciperet, quo per Ferdinandum

Austrum exclusus erat ; igitur cum magno exercitu ducentorum millium Hungariam inundat , ac eodem impetu Quinte-Ecclesias , Alba-Regalem , Pestum , Budam , Strigonium , Altenburgum occupat , & urbibus cæteris certatim se dentibus , Viennam etiam obsidet , eamque graviter oppugnat , sed fortius eam tutatus est Philippus Palatinus Rheni . Quare Solymannus post viginti dies acerrimæ oppugnationis , desideratis suorum sexaginta millibus , recessit .

Hoc tempore aëtum est cum Carolo V. de Insula Melita Rhodienibus Equitibus danda , quam anno sequenti possidere cœperunt cum obligatione accipitris unius singulis annis Regi Neapolitano offerendi & Professionis clientelæ , quoties novus Princeps regnum adiret . Exinde nomen traxerunt *Equites Melitenses* , per contemptum dicti à Turcis Piratæ , sed revera egregii contra Turcas propugnatores .

* (1530.) * Carolus V. Bononiæ coronatur Imperator , & exinde Comitia Imperialia Augustæ celebrat , in quibus Protestantes offerunt Imperatori Confessionem suam à Philippo Melanchtone conscriptam , quæ ab Imperatore rejecta est , jussique omnes redire ad pristinam fidem .

Egre-



Egregie tunc à Catholicis Doctoribus pugnatum est. Obtulerunt quoq; suam Confessionem civitates Zwinglio adhærentes, sed & illa repulsam tulit, & Carolus V. laudabili exemplo pietatis & fidei tunc omnibus Principibus præluxit, quando ardentissimo sole nudo capite, manu præferrens facem Theophoriæ in solenni supplicatione interfuit, & fidei suæ Orthodoxæ, ac pietatis erga Augustissimum Sacramentum publicum specimen exhibuit.

Hoc anno Franciscus I. Rex Galliæ liberos suos tandem recepit, & simul Eleonoram sororem Caroli, relictam Emmianuelis conjugem duxit.

DE PHILIPPO MELANCHTHONE
MOLLIUM LUTHERANORUM, SEU
CONFESIONISTARUM DUCE.

Hic rem suam agere & ex parte à Lutherò sese subducere cœpit anno circiter 1630. Unde ejus sectatores SemiLutherani & molles Lutherani dicti sunt, cum econtra Illyricani, quod sub vexillis Flacci Illyrici, antea Melanchtonis discipuli, Lutherò strictius adhæsissent, Rigidi Lutherani appellati sint. Inditum quoque illis nomen *Confessionistarum*, eoquod ipse Melanchton composuisset & manu suâ scripsisset novam Confessionem, Augu-

D 3

stanam



stanam nuncupatam, & Carolo V. oblatum Augustæ. Obiit Melanchton anno 1560. cum ea religionis indifferentia a inconstantia, ut vulgo Cothurnus Germanus appellatus sit, & ipsum post obitum ejus omnes sectæ tanquam suum vendicarint. Præcipui ejus errores sunt:

1. Sribit in annotationibus suis in Epistola S. Pauli ad Romanos, quemadmodum vocari Pauli, sic etiam Davidis adulterium opus defuisse, tam Judæ proditionem, quam Pauvocationem auctorem Deum habuisse.
2. Docebat in eo positam esse veram fidem ut unusquisque credat sibi peccata sua dimissa esse.
3. Nihil inter præceptum & consilium discriminis interesse, & nullum in Evangelii consilium esse, sed omnia præcepta.
4. Posse hominem solis naturæ viribus se a gratiam recipiendam disponere.
5. Docuit quidem primò, adhærens Lutherum, nullam arbitrii libertatem, in locis autem communibus postmodum editis libertatem arbitrii occerrimè propugnat, & suam opinionem Manichæi somnium & horrendum mendacium vocare audet.
6. Bona opera nostra mercedem corpoream & spiritualem mereari fatetur, non tamen vitam æternam.
7. Evangelium legem esse negat, sed novum Testam-



Teſtāmentū meram eſſe omnis boni promiſſionem ſine ullā lege, nullāque habitā iuſtiā noſtrā mentione. Sed hæc maniſtē repugnat ter-
tio ejus articulo.

8. Nullum aliud peccatum eſſe, quām incre-
dulitatem.

9. Baptiſmo ſolūm Originis peccatum, non
item alia deleri.

DE MARTINO BUCERO.

Martinus Bucerus Argentinæ natus
Ordinem Sancti Dominici defecit
& ad Sacramentarios defecit anno circi-
ter 1530. quibus poſtea reliq̄is Lutherum
ſecutus eſt, & ab eo tranſhit ad Zwinglium,
cujus tamen ſpem eluſit, & Lutherο ite-
rum ſe dedit, à quo tamen altera vice fa-
etus transſuga, partes nunc suas agere &
tertiam Sectam erigere laboravit, quæ
cum Sacramentariis Lutheranos copu-
laret.

1. Error ejus eſt, Christi corpus in Euchi-
ſia præſens ad eſſe quando ſumitur, alias nun-
quam.

2. Senſum verborum Christi Hoc eſt cor-
pus meum hunc germanum eſſe, Hoc eſt pro-
teſtatio & memoriale beneficiorum Dei.

3. Eum qui ſolam habet historicā fidem
(eam autem intelligit, quā religionis Christia-
næ myſteriorum veritas creditur) in Euchi-

D 4

ſia



stia nihil accipere quam signum corporis Christi.

4. *Puerum infantem quanquam baptismo initiatum non salvati.*

5. *Baptismo non tolli peccata omnia, cum earnis concupiscentia remaneat, quam dicit esse peccatum, licet a Deo non imputetur.*

6. *Sacerdotes ad observandum celibatum non obligari.*

7. *Aliud nullum esse peccatum praeter incredulitatem.*

8. *Debere omnes admissis quibuslibet sceleribus firmiter credere, se Deo gratos esse.*

Defunctus est Bucerus in Anglia anno 1571. ubi ejus ossa combusta sunt anno 1575. dicitur in morte Judaismum professus, & negasse Messiam adhuc venisse, quare Bezan deterrere debuerat, ne eum in suis iconibus tantis laudibus efferret, ac diceret, *Civitatem Argentinensem Bucero restitutam Ecclesiam debere.*



DECAS IV.

✿ (Ab anno Christi 1530. ad 1540.) ✿

1531. Ferdinandus Caroli V. frater Hun-

gariæ & Boheiæ Rex, in Comitiis Coloniensibus creatur Rex Romanorum & Aquisgrani coronatur Joanne Sa-

xone